



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1712

Q. 265. Quid Confessario sit agendum specialiter cum illo, qui frequenter relabitur in pollutiones & peccata mollitiei.

urn:nbn:de:hbz:466:1-42433

§. 8. Si habeat Recidivum in materiis plurimum peccatorum, non aggrediatur specialiter emendationem omnium simul, sed primò studeat tollere radicem cæterorum, aut illa priùs quæ magis scandalosa sunt instituto super illis examine particulari, usquedum unum post aliud expugnetur. Quòd si Confessarius fecerit, quod in se est, totum eventum committat Deo, ad quem solum spectat convertere animas: unde nec vanè extollatur, si videat consilia sua prodesse, nec deiciatur, si minùs proficiant: Angeli Jerem. 51. v. 9. dicebant, Curavimus Babylonem, & non est sanata. Denique notat Carden. in 2. crisi d. 39. n. 15. quando consuetudinarii advertuntur esse verè pœnitentes, & incipiunt se emendare, monendos esse de confessione generali, prudenter enim timeri potest, ne antehac aliquando confessi sint sine sincero dolore aut proposito, alioquin non tam diu in pessima consuetudine hæssissent.

Q. 265. Quid Confessario sit agendum specialiter cum illo, qui frequenter relabatur in pollutiones & peccata molliet. R. §. 1. De hoc ita scribit Toletus in summa l. 5. c. 13. Hoc peccatum est difficillimæ curationis, quia occasio semper cum homine est: estque præterea adeo universale peccatum, ut crediderim maximam partem damnandorum insci hoc peccato. Vix puto esse aliud efficax remedium quàm frequentissimam confessionem apud unum eundemque Confessarium, ut fiat ter in hebdomada, si fieri possit, est enim hoc Sacramentum maximum frænum, & qui hoc non utitur, non sibi promittat emendationem, nisi per miraculum à Deo factum vel rarissimum privilegium. Idem tenet Polancus in Director. c. 3. ubi ait, Crebrò confiteri sacramentaliter, multorum remedio-

rum instar alia pleraque complectitur. De efficacia
 Communionis contra hoc vitium, dixi l. 6. p.
 1. n. 683. soletque dæmon libidinosus injicere
 horrorem ab hoc Sacramento, ad quod tanto
 magis invitandi sunt. Varia tamen remedia ha-
 bere debet in promptu Confessarius, maximè
 sub initium, cum advertit pœnitentem incipe-
 re se turpiter tangere, ut gravissimè deterreat,
 principiis enim faciliùs obstatur, quàm malum
 emendetur, quando invaluit. Remedia, præ-
 ter ea, quæ hæctenus insinuavimus, latè sup-
 peditant *Drexelius* in *Nicera*, & *Veron* in manua-
 li *Sodalitatis* c. 10. *Gobat* autem T. 7. à n. 548. &
Sporer n. 333. dicunt se expertos, quòd sequen-
 tia multis fuerint salutaria. 1. Confessarius in-
 quirat, ad quem Sanctum, vel ad quod myste-
 rium vitæ aut Passionis Christi pœnitens magis
 afficiatur, tumque ei pro pœnitentia injungat,
 ut per certum tempus, v. g. usque ad proxi-
 mam confessionem manè & vesperi dicat flexis
 genibus, *Domine Deus, qui stammæ æternas ignis
 sulphurei præparasti omnibus libidinosus, statuo coram
 te, & propono in honorem amantissimi hujus Patroni
 mei & Passionis Christi, me hac die, hac nocte absten-
 turum ab omni turpitate mei ipsius: quando autem
 actu urgebit tentatio, repetat apud se ea verba.*
 2. Si consentiat Confessarius, voveat servare
 castitatem per unam v. g. septimanam: Con-
 fessarius autem id non permittat, nisi ubi ferè
 certam sperat victoriam, nec unquam permit-
 tat, ut voveat in perpetuum. 3. *Beatæ virginis*
*ante aram vel iconem offerat & obstringat ma-
 nus suas, cum firmissimo proposito eas ob re-
 verentiam ipsius intra tot dies non extendendi
 ad turpem tactum.* 4. *Ante Crucifixi imaginem*
 quoti-

quotidie statuat continere manus suas ad honorem sacrorum vulnerum, quæ Christus pro se in manibus accepit, & ad reverentiam sacratissimi sanguinis, qui ex illis fluxit. 5. Multis profuerunt hæ preces ad Christum, B. Virginem, & S. Josephum, dictæ manè, vespèri, & quando urget tentatio. *7 ESU purissime, per sanctam Virginitatem & Incarnationem tuam emunda cor & carnem meam, in nomine Patris & Filii &c. Purissima Virgo Maria, per Sanctam Virginitatem & immaculatam Conceptionem tuam emunda cor & carnem meam, in nomine Patris &c. Castissime sponse Josephæ, per sanctam virginitatem & sanctificationem tuam emunda cor & carnem meam, in nomine Patris & Filii &c.* 6. Quotidie manè & vespèri, & quoties tentatio urget, aliquam brevem sententiam volvat in mente, v. g. *Momentaneum, quod delectat, æternum quod cruciat. Mors certa, iudicium formidabile, æternitas infinita. Quis poterit habitare de vobis cum igne devorante: quis habitabit ex vobis cum ardoribus sempiternis?* Stoic. l. 2. n. 161. etiam ponit hos versus. *Ich leb / weiß aber nicht wie lang: ich stirb / weiß aber auch nicht wann: ich fahr / weiß wieder nicht wohin: wie kommst / daß ich nit frommer bin. Quamdiu vivam, nescio; nec mortis horam præscio; vado, sed quò, non video; mirum, quòd me non corrigo.* 7. Quando tentatur, reflectat se ad Deum sibi præsentem, qui severissimè iudicabit etiam de hac actione: Item ad Angelum custodem, qui accusabit. 8. Potest etiam incutemetus abbreviandæ vitæ, ut sic motiva naturalia etiam impellant ad exequenda supernaturalia, certum enim est hoc vitio exhauriri summè

vires corporis, ac per singulas pollutiones plura tolli roboris, quam si libra sanguinis efflueret, hinc sæpe fit, ut hi fiant phthysici aut alia tabe corporis præmorianur. Alia media suggerere prudentia, usus, circumstantiæ, & imprimis Spiritus S. Quod si nulla remedia juvent, Confessarius suadeat poenitenti, ut ingrediatur Matrimonium, si ætas ferat, aut quandoque etiam statum religiosum, sed talem, in quo sit rigor & disciplina: Vix unquam suadeat statum ecclesiasticum, inquit Sporer, quia in hoc statu vitium illud nimis facile invenit fomenta sua & occasiones majoris ruinae.

1830. §. 2. Illi, qui se emendant, sæpe affliguntur nocturnis pollutionibus, quas antiquæ imaginationes obscenæ causant, sed terreri non debent, nam quia natura assuevit conficiendo semini, quod non amplius per diem effanditur, hæc se exonerat in somno. Circa miseriam illam dat hoc consilium Gerson p. 2. Num. 38. opusc. De pollutione diurna, prop. 12. *Pollutio diurna vel nocturna, dum sentitur effluere, non debet violenter prohiberi, si probabiliter existimetur, quod huiusmodi violentia frustra esset: nihilominus pro exercitatione virtutis & pro evasione periculi videtur expediens, ut homo conetur prohibere, quantum sentit vel experitur commodè fieri posse, quoniam etsi hæc reventio nocere debeat corpori, proderit animæ: natura denique postmodum uno modo vel alio talem humorem à se ejicit.*

1831. Q. 266. *Quid observare debeat Confessarius alicujus constituti in occasione peccandi. R. Explicavi in l. 5. à n. 252. quando nam censeatur esse periculum sive occasio proxima peccandi. Ibidem à n. 256. dixi illum peccare, qui se exponit*